

ხელშეკრულება №--
სახელმწიფო შესყიდვების შესახებ
დაფინანსების წყარო - საკუთარი შემოსავლები
(პროექტი)

ქ. გორი

----- 202- წ.

“სახელმწიფო შესყიდვების შესახებ” საქართველოს კანონისა და ----- მიერ ერთიანი ელექტრონული სისტემით წარმოდგენილი სატენდერო წინადადების საფუძველზე, ----- ელექტრონული ტენდერის ჩატარების შედეგად, ვდებთ წინამდებარე სახელმწიფო შესყიდვების ხელშეკრულებას შემდეგზე:

გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები (გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს).
- „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- „დღე“, „კვირა“, „თვე“ - კალენდარული დღე, კვირა, თვე.
- „შემსყიდველი“ - ორგანიზაცია, რომელიც ახორციელებს შესყიდვას.
- „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.

ხელშეკრულების დამდები მხარეები:

ერთის მხრივ, სსიპ – გიორგი აბრამიშვილის სახელობის საქართველოს თავდაცვის სამინისტროს სამხედრო ჰოსპიტალი წარმოდგენილი მისი დირექტორის ----- სახით (შემდგომში შემსყიდველი) მისამართი: ქ. გორი, ჭავჭავაძის #56; საიდენტიფიკაციო კოდი: 218064699; საბანკო რეკვიზიტები: ქ. თბილისი, სახელმწიფო ხაზინა, მიმღები ბანკი-ხაზინის ერთიანი ანგარიში, სახაზინო კოდი № 200122900;

მეორეს მხრივ ----- წარმოდგენილი მისი დირექტორის ----- სახით (შემდგომში „მიმწოდებელი“); იურიდიული/ფაქტიური მისამართი: ----- ტელ.: -----; ელ ფოსტა: ----- საიდენტიფიკაციო კოდი: -----; საბანკო რეკვიზიტები: -----; ბანკის კოდი -----; ანგარიშის ნომერი: -----

2 ხელშეკრულების საგანი და შესყიდვის ობიექტი

2.1. ხელშეკრულების საგანია ჰოსპიტლის ბალანსზე არსებული სატრანსპორტო საშუალებებისა და მათთან დაკავშირებული მოწყობილობების შეკეთება, ტექნიკური მომსახურება და მასთან დაკავშირებული მომსახურებების სახელმწიფო შესყიდვა CPV – 50112000.

2.2 გასაწევი მომსახურების დასახელება და აღწერილობა განისაზღვრება წინამდებარე ხელშეკრულების პირობების, სატენდერო დოკუმენტაციის ტექნიკური პირობებისა და დანართების (პრეისკურანტის) შესაბამისად.

2.2 მომსახურების გაწევა იწარმოებს ყოველი კონკრეტული შემთხვევისათვის შედგენილი დეფექტური აქტის საფუძველზე, რომელშიც მითითებული იქნება გასაწევი მომსახურების/სათადარიგო ნაწილის სახეობა, რაოდენობა/მოცულობა, მომსახურების გაწევის/საქონლის მიწოდების კონკრეტული ვადები.

2 ხელშეკრულების ღირებულება

2.1 ხელშეკრულების ჯამური ღირებულება შეადგენს **190 000,00 (ასოთხმოცდაათი ათასი) ლარს**, ხოლო პრეისკურანტის ღირებულება არის ----- (------) ლარი;

2.2 ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

2.3 ფასის ცვლილების შემთხვევაში მიმწოდებელი ვალდებულია აღნიშნულის შესახებ აცნობოს წერილობით შემსყიდველს, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

2.4 ხელშეკრულებით გათვალისწინებული მომსახურების ერთეულის ფასი განისაზღვრება დანართის (პრეისკურანტი) შესაბამისად, რომელიც თან ერთვის ხელშეკრულებას და წარმოადგენს მის განუყოფელ ნაწილს.

3 მხარეთა ვალდებულებები

3.1 მიმწოდებელი ვალდებულია:

- ა) წინამდებარე ხელშეკრულების შესაბამისად განახორციელოს ხარისხიანი და გარანტირებული მომსახურება ხელშეკრულების გაფორმებიდან **2024 წლის 31 დეკემბრის ჩათვლით**;
- ბ) უზრუნველყოს წინამდებარე ხელშეკრულებით გათვალისწინებული მომსახურების გაწევა (მომსახურებისათვის საჭირო სათადარიგო ნაწილების გათვალისწინებით) თანდართული პრეისკურანტის შესაბამისად, რომელიც წარმოადგენს ხელშეკრულების განუყოფელ ნაწილს;
- გ) უზრუნველყოს მომსახურების გაწევა ოპერატიულად, სატენდერო დოკუმენტაციის შესაბამისად შემსყიდველის მიმართვისთანავე;
- დ) მომსახურების ან სათადარიგო ნაწილის წუნის აღმოჩენისთანავე უზრუნველყოს მომსახურების ხელახალი გაწევა და სათადარიგო ნაწილის გამოცვლა უფასოდ, საგარანტიო პერიოდის განმავლობაში სატენდერო დოკუმენტაციის მოთხოვნის შესაბამისად;
- ე) პრეტენდენტმა შემსყიდველის ავტოსატრანსპორტო საშუალებებს უნდა მიაწოდოს პრიორიტეტი, რაც გულისხმობს მათ რიგგარეშე და დაუყოვნებლივ მომსახურებას.

- ვ) შემსყიდველის მიმართვისთანავე, ჩაატაროს ავტომატური დათვალიერება და წარუდგინოს შემსყიდველს დეფექტური აქტი;
- ზ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- თ) განახორციელოს ამ ხელშეკრულებითა და სატენდერო დოკუმენტაციით დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) მოახდინოს ანგარიშსწორება მიმწოდებელთან ხელშეკრულების პირობების შესაბამისად;
- ბ) განახორციელოს ამ ხელშეკრულებით მასზე დაკისრებული ვალდებულებები;

5. გაწეული მომსახურების ხარისხი და გარანტია

- 5.1 გაწეული მომსახურების ხარისხი უნდა აკმაყოფილებდეს დამკვეთის მოთხოვნებს;
- 5.2 მიმწოდებლის მიერ შეცვლილ ნაწილებზე და გაწეულ მომსახურებაზე უნდა ვრცელდებოდეს არანაკლებ 6 თვიანი გარანტია.
- 5.3 მიმწოდებლის მიერ შეცვლილ ან/და შეკეთებულ სათადარიგო ნაწილებზე გარანტია უნდა ვრცელდებოდეს მინიმუმ 6 (ექვსი) თვის განმავლობაში, გარდა იმ შემთხვევისა, როდესაც დაზიანება გამოწვეულია მექანიკური ზემოქმედებით, აღნიშნულ საკითხზე წამოჭრილი დავის შემთხვევაში მექანიკური დაზიანების არსებობა ან არარსებობა უნდა დადასტურდეს დამოუკიდებელი სერთიფიცირებული ექსპერტის დასკვნის საფუძველზე, რომლის ხარჯების გაღებაც ეკისრება მიმწოდებელს.
- 5.4 მომსახურება მიმწოდებლის მიერ გაწეული უნდა იყოს სრულად საკუთარი მასალით/სათადარიგო ნაწილებით.
- 5.5 მომსახურების დროს გამოყენებული სამუხრუჭე ხუნდები და საცხებ-საპოხი მასალები უნდა აკმაყოფილებდეს საერთაშორისო სტანდარტებს და უნდა ვრცელდებოდეს გარანტია შემდეგნაირად:
- 5.6 სიჩქარის კოლოფის ზეთზე და ფილტრზე – მინიმუმ 50 000 კმ.
- 5.7 სამუხრუჭე ხუნდებზე – მინიმუმ 10 000 კმ
- 5.8 მიმწოდებელი ვალდებულია საგარანტიო პერიოდის განმავლობაში გამოვლენილი ნაკლოვანებები აღმოფხვრას დამატებითი ანაზღაურების გარეშე არაუმეტეს 3 (სამი) კალენდარულ დღეში, გარდა იმ შემთხვევისა, როდესაც დაზიანება გამოწვეულია ბუნებრივი ცვლით, ექსპლუატაციის წესების დარღვევით ან/და მექანიკური ზემოქმედებით. იმ შემთხვევაში, თუ საგარანტიო პერიოდის განმავლობაში აღმოჩნდება წუნდებული მომსახურება ან/და საქონელი, რომლის გამოსწორება/შეცვლა შეუძლებელია, შემსყიდველის მიერ ასეთი მომსახურების/საქონლის საფასური არ ანაზღაურდება. თუ შემსყიდველს უკვე გადახდილი აქვს წუნდებული მომსახურების/საქონლის ღირებულება, მიმწოდებელი ვალდებულია დაუბრუნოს შემსყიდველს აღნიშნული თანხა, შესაბამისი შეტყობინების მიღებიდან 10 სამუშაო დღის ვადაში.

6. ხელშეკრულების შესრულების კონტროლი

- 6.1 შემსყიდველის მიერ ხელშეკრულების შესრულების კონტროლი განხორციელდება პერიოდულად როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.
- 6.2 შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნდებული ხარისხის მომსახურება, მიმწოდებელი ვალდებულია წერილობითი შეტყობინებიდან 3 (სამი) დღეში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული წუნდებული მომსახურების ღირებულება 10 სამუშაო დღის განმავლობაში. მომსახურების უხარისხობა დადასტურებული უნდა იყოს შესაბამისად უფლებამოსილი ორგანოს (პირის) დასკვნით.

7. მომსახურების მიღება-ჩაბარების წესი

- 7.1 შესყიდვის ობიექტის მიღება - ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.
- 7.2 ამ ხელშეკრულების მიზნებისათვის მიწოდებად არ ითვლება უხარისხო (წუნდებული) ან ხელშეკრულებით გათვალისწინებულ მოთხოვნებთან შეუსაბამო მომსახურების გაწევა. ასეთ შემთხვევაში აღნიშნულზე მიღებაჩაბარების აქტი არ ფორმდება.
- 7.3 შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 7.4 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).
- 7.5 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღებაჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.
- 7.6 მიღება- ჩაბარებას შემსყიდველის მხრიდან განახორციელებს **ავტოფარების უფროსი:**

8 ანგარიშსწორება

- 8.6 ანგარიშსწორება განხორციელდება შემდეგი პირობებით:
- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 8.7 შემსყიდველი იღებს ვალდებულებას გადაუხადოს მიმწოდებელს ეტაპობრივად გაწეული მომსახურების ღირებულება წარმოდგენილი მიღება-ჩაბარების აქტისა და საგადასახადო ანგარიშგაქტურის წარმოდგენიდან 10 (ათი) სამუშაო დღის განმავლობაში.

9 ხელშეკრულების შესრულების შეფერხება

- 9.6 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება

შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.7 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10 ხელშეკრულების პირობების შეუსრულებლობა

10.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები.

10.2 ამ ხელშეკრულებით განსაზღვრული ვალდებულებების შეუსრულებლობის ან არაჯეროვნად შესრულების შემთხვევაში, მხარეები პასუხს აგებენ საქართველოს კანონმდებლობით, ამ ხელშეკრულებით გათვალისწინებული პირობებით და წესით.

10.3 ტექნიკურ დავალებაში მითითებული სამხედრო ჰოსპიტალის ბალანსზე რიცხული ავტოსატრანსპორტო საშუალებების ძრავის ზეთის, ზეთის ფილტრის, ჰაერის ფილტრის, სალონის ფილტრის, წინა და უკანა სამუხრუჭე ხუნდების შემთხვევაში დეფექტური აქტის შედგენის მაქსიმალური ვადა განისაზღვრება 3 (სამი) კალენდარული დღით, ხოლო დანარჩენ შემთხვევაში ავტოტექნიკის დეფექტური აქტის შედგენის მაქსიმალური ვადა განისაზღვრება 4 (ოთხი) კალენდარული დღით. ერთ ავტოსატრანსპორტო საშუალებაზე დეფექტური აქტის დაგვიანებით მომზადების შემთხვევაში მიმწოდებელს დაერიცხება პირგასამტეხლო ყოველ ჯერზე 300 (სამასი) ლარის ოდენობით.

10.4 შემსყიდველის ბალანსზე რიცხული ავტომანქანებისთვის ძრავის ზეთის, ზეთის ფილტრის, ჰაერის ფილტრის, სალონის ფილტრის, წინა და უკანა სამუხრუჭე ხუნდების გამოცვლის ვადა განისაზღვრება 1 სამუშაო დღემდე ვადით; სავალი ნაწილის შეკეთების ვადა განისაზღვრება 1 (ერთი)-დან 5 (ხუთი) კალენდარულ დღემდე ვადით (დეტალის შეკვეთის საჭიროების შემთხვევაში). აგრეგატების შეკეთების/შეცვლის ვადა განისაზღვრება 1 (ერთი)-დან 15 (თხუთმეტი)-მდე კალენდარული დღით. სამღებრო/სათუნუქე სამუშაოების შესრულების ვადა განისაზღვრება 3 (სამი)-დან 20 (ოცი) კალენდარულ დღემდე ვადით. თუ, დაზიანების/დაზიანებული ნაწილის განსაკუთრებით რთული ხასიათის გამო, აღნიშნულ ვადაში ვერ ხერხდება მიმწოდებლის მიერ მომსახურების გაწევა, მხარეები ყოველ კონკრეტულ შემთხვევაში დამატებით თანხმდებიან გონივრულ ვადაზე (მაგრამ არაუმეტეს 10 (ათი) კალენდარული დღისა). ამ პერიოდის განმავლობაში ნაკისრი ვალდებულების შეუსრულებლობის ან/და ვადაგადაცილების შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების **0.2% ოდენობით**.

10.5 საგარანტიო პერიოდის განმავლობაში გამოვლენილ ნაკლოვანებებს აღმოფხვრის მიმწოდებელი დამატებითი ანაზღაურების გარეშე არაუმეტეს 3 (სამი) კალენდარულ დღეში, გარდა იმ შემთხვევისა, როდესაც დაზიანება გამოწვეულია ბუნებრივი ცვლით, ექსპლუატაციის წესების დარღვევით ან/და მექანიკური ზემოქმედებით, ამ პერიოდის განმავლობაში ნაკისრი ვალდებულების შეუსრულებლობის ან/და ვადაგადაცილების შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების **0.2% ოდენობით**.

10.6 იმ შემთხვევაში, თუ ვადაგადაცილებული დღეების რაოდენობა გადააჭარბებს **20 (ოცი)** დღეს შემსყიდველს უფლება აქვს შეწყვიტოს ხელშეკრულება და მიმწოდებელი დააჯარიმოს საერთო ღირებულების **15% ოდენობით**;

10.7 საჯარიმო თანხის გადახდა უნდა მოხდეს ვალდებულების შეუსრულებლობის მომენტიდან **10 (ათი)** სამუშაო დღის ვადაში.

10.8 საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

11.3 ხელშეკრულების საბოლოო ღირებულება განისაზღვრება ფაქტობრივად მიწოდებული შესყიდვის ობიექტის ღირებულების შესაბამისად, რაც არ საჭიროებს დამატებით შეთანხმებას.

11.4 თუ ხელშეკრულების დადების შემდეგ, ხელშეკრულების მოქმედების პერიოდში აღმოჩნდება, რომ პრეისკურანტში არ არსებობს რომელიმე სახის სათადარიგო ნაწილი/საცხებ-საპოხი მასალა/მომსახურება, აღნიშნული გასაწევი მომსახურების ერთეულის ფასი დადგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 20 (ოცი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროდან შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

13.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

13.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

13.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

13.6 ამ მუხლის პირველ და მე-5 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ამ დოკუმენტზე ბოლო ელექტრონული ხელმოწერის (შტამპის) თარიღიდან და და მოქმედებს **2025 წლის 31 იანვრის ჩათვლით**.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები.

17.1. მხარეები ხელშეკრულებაზე ხელმოწერით ადასტურებენ, რომ აღნიშნული შესყიდვის განხორციელებაში მათი მონაწილეობა არ იწვევს ინტერესთა კონფლიქტს.

17.2. ხელშეკრულების მხარეები ვალდებულნი არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

17.3. ხელშეკრულება შედგენილია ქართულ ენაზე, და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონული ვერსია ინახება ხელმომწერ მხარეებთან ერთ ეგზემპლარად, რომელთაც გააჩნიათ თანაბარი იურიდიული ძალა.

17. მხარეთა ხელმოწერა:

შემსყიდველი

სსიპ-გიორგი აბრამიშვილის სახელობის
საქართველოს თავდაცვის სამინისტროს
სამხედრო ჰოსპიტალი
დირექტორი

მიმწოდებელი

დირექტორი
